



## Պարույր Սևակ

### Մի խորունկ գաղտնիք

Շա՛տ խարազան է շաչել իմ գլխին,  
Շա՛տ մտրակ՝ մեջքիս հասցեագրովել,  
Եվ հարվածների, զարկերի թիվը  
Համրելու համար ինձ պետք է հիմա  
Մի պատկառելի հաշվապահություն:  
Բայց...

Այսօր բացեմ գաղտնիք մի խորունկ  
Որ անշուշտ պիտի խիստ ցավ պատճառի  
Ինձ ցավ պատճառել ցանկացող մարդկանց:  
Նրանք զարկե՛լ են, հարվածե՛լ, ծեծե՛լ,  
Բայց ինձ ո՛չ մի զարկ չի հասել բնավ,  
Ինձ ո՛չ մի հարված չի դիպել երբեք,  
Ու ես ո՛չ մի ծեծ չեմ կերել կյանքում:  
Նրանք զարկե՛լ են, հարվածե՛լ, ծեծե՛լ  
Ո՛չ թե ինձ,  
Այլ լոկ այն տեղը, ուր ես  
Կանգնած եմ եղել մի վայրկյան առաջ,  
Մի վայրկյան առաջ... առաջ եմ անցել:  
Եվ, այնուհանդերձ, եթե ինձ նրանք  
Ցավ են պատճառել,  
Ապա ա՛յն փոշով,

Որ քարձրացել է նրանց հարվածից  
Եվ ինձ հասնելով լույ հեռվից հեռու՝  
Լցվել է իրե՛նց, իրե՛նց աչքերը...